

叢書集成續編 第二七八冊目錄

史地類



明稗史

李仲達被逮紀略一卷	明	蔡士順撰	江陰	一
燕都識餘一卷	明	徐應芬撰	昭代	五
仁廟聖政記二卷(明仁宗聖政記)	明	不著撰人	晨風閣	一五
燼宮遺錄二卷	明	不著撰人	適園	五七
民抄董宦事實一卷	明	不著撰人	又滿樓	七一
虔臺節略一卷附彭節愍公家書一卷	清	彭孫貽撰	適園	九七
湖西紀事一卷	清	彭孫貽撰	適園	一一五
山中聞見錄十一卷(原缺卷三至卷五)	清	彭孫貽撰	玉簡齋	一二三
隆平紀事一卷	清	史冊撰	昭代	一七五
建文帝後紀一卷	清	邵遠平撰	昭代	二一九
乙丙紀事一卷	清	孫奇逢撰	昭代	二二三
喀史一卷	清	王煒撰	昭代	二四一
潯陽記事一卷	清	袁繼威撰	胡氏豫章	二五七
東南紀事十二卷	清	邵廷采撰	邵武徐氏	二七一
西南紀事十二卷	清	邵廷采撰	邵武徐氏	三七一
金陵野鈔一卷	清	顧苓撰	殷禮在斯	四五一
明季遺聞一卷	清	鄭澍撰	昭代	四七五

江上遺聞一卷·····	清 沈 濤 撰	江 陰	五四九
臨安旬制紀三卷附錄一卷·····	清 張 道 撰	武林掌故	五五九
殘明紀事一卷·····	清 羅 謙 錄	張氏適園	五九五
庭聞錄六卷附錄一卷附校勘一卷校勘續記一卷·····	清 劉 健 撰	胡氏豫章	六一九
秋鐙錄一卷·····	民 魏元曠 撰		
花村談往二卷補遺一卷·····	民 胡思敬 撰		
	清 沈元欽 撰	昭 代	六七五
	清 花村看行侍者 撰	適 園	七〇三

時解夢

鍊仲

紀卒

光緒十九年仲冬江陰
金氏覆印荆駁逸史本

李仲達被逮紀畧

粟香室叢書

明

蔡士順

熹宗朝逆瑞害正緹騎四出丙寅三月十四日逮及周夢洲吏部次早余亟往省已在公廨矣諸友至數百人夢洲神情意氣不異平時見余卽問兄知李仲達否因出李太監寶疏旨相視則仲達暨高景逸總憲周綿貞中丞黃白安侍御俱在逮中姚現聞太史在金涇寄言馮仕陵促予亟宜往常州視仲達十七

李仲達被逮紀畧

一

日遂別夢洲解維行十八日抵無錫聞總憲已自裁矣十九日晨抵常州謂吳鍾樞仲達方抵城下仲達鄉居聞逮束身待罪候邑令至卽攜手登舟如長空孤鶴形影相弔情事絕苦余望其神情意氣與夢洲無異也曾二雲府尊過舟中談良久年誼甚篤後江陰岑令來同余見官旗於南察院議所以酬之者仲達雖爲司理入踐臺端而清介絕塵卽常俸所入俱爲尊人見復公佐酒費囊無私錢時見復在家設處

未得卽至二十一日見曾公聞蘇州筆斃旗校事曾

公私語此信上聞朝端或從寬政可望生還忽報南察院前有數千人激忿如雷言李宦忠臣何忍見其就逮與姑蘇不約而同奮臂大呼欲殺旗校府尊卽往曉諭囑余促仲達至余翌日同行填街塞巷馬不能前仲達下馬拜求衆方解散因遷官旗於東院陳兵衛之二十二日開讀尙慮民情洶洶或生變如蘇防禦嚴肅不許一人隨入獨余周旋其間得觀駕帖

李仲達被逮紀畧

二

仲達拜闕畢遂留院署官旗亦知仲達居家孝友人其稱冤未嘗繩以法也是夕父子同宿署中二十三

日遂行仲達慷慨就道真有百折不同之氣同行者其兄伯發及友人陸養素陶自然臨別託余謝府尊余不勝嗚咽府尊亦潸然淚下嗣後委曲周旋不遺餘力若曾公者當於古人求之矣蘇州激變一事撫按具題密緝當日諸人而兩三同志皆入網羅賴冠禮亭府尊曲加保全得免鉤黨之禍曾冠二公爲德

於吳至今崇蔭兩地云曾名櫻江西峽江人寇名偵
陝西周安人諸公先後逮到皆奉旨送鎮撫司拷問
許顯純掌事而崔應元副之到卽一夾一拶敲八十
筰四十棍謂之一套拷掠時有名爲聽記者偃堂中
指揮如意又有打事件者絡繹道路必取內意發落
各坐贓四五千不等復奉嚴旨五日一比每比必酷
刑交加至五月中因天變停刑始少緩須臾而繆公
先以四月二十九日畢命矣六月中仍用嚴刑比周

李仲達被逮紀事

三

忠毅周忠介二公俱以十七日報亡黃忠端公以二
十九日左忠毅公以閏六月初三日相繼亡所以致
死之狀不能詳亦不忍詳也其未完贖銀仍行原籍
勘限拘家屬嚴比不赦云

燕都識餘

龔道人述

此余出都門時所記也余以湖海浮蹤適遇乾坤大變目擊心傷所不敢徑施者予奪之文有不終沒者是非之實因爲備述以貽後來非獨余之艱難難已也

癸未秋余熒然草土時左帥叛兵甫戢江路稍通余掌道先生名必泓以記室召余不可辭挾蒯緱北上十月晦渡淮已聞潼關失守督師孫傳庭全軍覆沒

昭代叢書

辛集補

燕都識餘

一

世楷堂藏板

闖賊乘勢入陷西安仲冬廿一日抵京當道諸大臣舒徐如故也廿八日見晉撫蔡雲怡所投揭并手書始知賊兵勢大猖獗河上我道遙作好之衆莫能禦竟以臘月中旬蹴冰而濟大河南北蹂躪無完郡矣新推豫撫任濬觀望不前舊撫秦所式以鐫級不候代徑繳敕印去巡按御史蘇京按河北爲賊縛去蒲汾澤潞一帶望風投降新督余應桂領兵南去以避賊鋒總鎮高傑兵叛而南沿途肆掠慘甚于賊賊圍攻太原一月有餘巡撫蔡懋德嬰城固守民無叛志

以援兵不至于今年甲申二月初二日力竭城陷賊怒磔其尸一時官僚遇害甚衆

塘報達京輔臣李建泰自請督師辦賊帝御午門行推轂禮手賜酒三卮且曰先生此去如朕親行建泰頓首受命是日輔臣陳演蔣德璟准致政連日羽書旁午聲言賊兵四十萬刻日來京帝召集諸大臣問計大司馬張縉彥議調邊兵入援司農以兵餉莫措爲憂于是遣內臣傳諭諸勳戚出資助餉大臣承旨亦各率所屬捐助有差五日間凡三召對督輔李建泰自保定馳奏請乘輿南遷總憲李邦華少瞻項煜等請奉太子南行帝皆不許恚曰國事豈遂至此因泣下諸臣亦泣掌道先生歸寓語余故時以科員光時亨持議參駁遂無敢復請者然是時吾鄉戒裝出都者軫相接余以先生朝夕方飲冰僅十歲子依膝下舍此非義躊躇不果行

二月廿五日賊圍眞定廿七日知府邱茂華以城降亂兵戕殺保督徐標三月初一日昌平兵變初二日賊破宣府督輔李建泰駐師保定賊兵至遂降報至

令勦衛科道等官及內臣分守九門初四日召對百官遣襄城伯李國楨操練京營兵守城加總兵左良玉黃得功唐通吳三桂俱伯爵劉澤清鄭芝龍並都督世襲時唐通自薊鎮調至京上命通點京營兵三萬出城迎敵賊未至通先使人以書約降

三月十四日起復內臣曹化淳等出鎮十五日報居庸關破十六日因李襄城言守城軍羸弱不用命即日命內侍皆上城是日昌平破巡撫何謙隻身脫走予夜語先生崩解勢成京城必不可守先生猶未信

昭代叢書

辛集補

燕都識餘
卷第四

三

世楷堂
藏板

次早趣余往前門劉完白緞店揭貸三百金以爲儲糧助餉之備是日賊兵已至城下焚掠城上亦亟施礮放槍震聲不絕比余從前門返則市中男女往來走如驚競傳賊軍師宋孩兒尅定十九日破城廿四日登極及申刻并前門亦下鑪人不得出入矣十八日早于宅門揭一黃帖云西城御史熊世懿受我大順金牌若干面約兵到獻門云云從者欲聞之先生予謂此必奸細所爲置之勿問可也予鄉劉光祿坐守東華門是夜五鼓返寓遣使密語先生皇上太子

三鼓以輕騎逸去先生晨起旁皇覓居于南昌內館旁側幽僻處置三如夫人及幼子謂余日子可偕吾兒往吾亦當去此應之曰余止此不害先生第自爲計少頃多騎馳市衢自西而東塵起沙揚則賊兵已入矣纔扇閉宅門聞長班傳呼賊兵入城諭城中官民無遑遽仍復官者官民者民無何市民導賊兵索馬馬廐悉空隨報御史王章爲賊所殺總憲李邦華副憲施邦曜戶書倪元璐掌科吳甘來翰林馬世奇等俱投繯自盡先生顧余曰如何余曰以義食祿者

昭代叢書

辛集補

燕都識餘
卷第四

四

世楷堂
藏板

死固當先生曰死不惜此嗷嗷者安所置蓋指諸內人及子也且謂熊吏部朱刑科皆無捐軀意余曰然則從衆耳然心怦怦泣下不可禁因轉身入內扣宅門者洵洵先生遂越短垣去祇畱兩蒼頭與余俱薄暮則多騎入室矣兩蒼頭亟檢箚中黃白移置之入室者問余何許人是何官宅舍余具以實告戒余勿他往爲首者與余款語且故作好言奴輩私若財第爲余言余還爾及旦兩蒼頭所藏白銀強半入其橐中余戒蒼頭勿復言亡何闖賊李自成以入大內未

見帝蹤跡令諸將南追先入室者竟去別易一人來
益梟健姓孫裕州人僞權將軍劉宗敏之偏裨也兩
蒼頭遂簡宅中所遺又移至他所至廿一日盡爲小
卒搜掘去城中家家用黃紙書大順永昌牌位祀素
人以黃紙書順民二字插髮邊然後出市貿易

是日知帝與太監王承恩同縊于宮中煤山遺血詔
云朕在位十七年上千天譴致逆賊直犯京師皆諸
臣誤朕也任爾分裂朕屍只勿壞陵寢勿傷百姓一
人皇后屍亦在宮中昇出俱停于東華門側棚內羣
臣代叢書 辛集補 卷第四 五 世楷堂 藏板

臣無一往臨者行道之人莫不隕涕

賊出示限三日內文武大小官員俱自出投牒照舊
擢用隱匿不出者罪廿三日文武約三四十人俱褻
服持牒候見僞丞相牛金星匍匐中道牛相席地而
坐逐名點閱人材豐偉及知名者選中七十餘人發
吏政府錄用余鄉吏部熊文舉太僕李元鼎葉初春
咸與焉不用者每名著二兵弓刀押出飛奔僞國公
劉府營房內達旦囚服齊集唱名又分散戈李二將
軍嚴刑拷訊追賊充餉多者數萬少者數千掌道先

生賴熊吏部推引得用然尙羈營房內兩晝夜余鄉
如劉光祿李春坊朱刑科羅庶常俱以剪髮忤賊意
遂不免于三木囊頭矣大抵賊之酷虐諸刑畢具而
夾棒甚厲務以得賞而止一時夾死者若干人不死
而完賊者若干人先生雖未受夾而獲用亦助餉三
百金吾鄉水部李光倬當日夾死御史馮垣登部屬
鄒逢吉張世溶等俱夾傷完賊後死劉光祿朱刑科
羅庶常皆備極痛楚賊完後釋放其與僞吏政府宋
企郊禮政府鞏煒稍有因緣者雖受刑輸銀後亦漸
次得用各官私宅皆賊兵盤踞踞先生宅者姓孫部
領十五六人半爲宣大諸處掠來其雄桀數人或稱
走山虎或稱走地龍皆有混號孫賊朝夕必要余共
飲啖余仍坐臥一室亦莫有余侮者巾店熊某爲余
言東城趙旗鼓門首日殺數十人或斫首或支解手
足異處有尙動活者余寓宅在刑部街密邇僞都督
劉所雖室中盡爲攫去至淫奪斬殺之事則猶未見
也

是日周鍾王孫蕙等俱上表獻諛周表內一聯比堯

舜而多武功邁湯武而無慚德王表內一聯燕北旣
歸已拱河山而受錄江南一下當羅子女以承恩俱
大爲牛相稱賞得授美官而楊枝起又獻下江南策
有云伏念臣汝成衰殘無力願爲牧放之牛摩頂何
知甘效識途之馬人皆鄙之閒出探視則本街少詹
項煜通議宋學顯宅俱已扃鑰顏其門或曰大理或
曰驗馬聞先生亦歸南昌館旁小寓余往候之甫行
數百步則馳騎從後來卒不及避蹶地傷膝幾爲馬
踏死自是不敢出衢途一武矣廿四日賊押勦衛武

昭代叢書

辛集補 燕都叢錄 卷第四

七

世楷堂 藏板

職官二百餘員斬于平則門外余與諸賊兵談星說
數滑稽揣摩多中其竅彼此傳播頃刻求推者接踵
而至多寡不等咸有遺贈過午則取得金錢令蒼頭
市中沽酒而飲飲而醉醉而歌賊兵多不識字不審
音余雖歌嘯亦不解爲何義

廿六日僞禮政府出示勸賊登極僞國公劉廷獻率
百官褻衣午門叩請不允廿七日賊押太子驀移帝
后梓宮出城百官并不與聞廿九日賊聞平西伯吳
三桂請大兵十萬入關復讐因令三桂父吳襄作書

招降不從遂禁喪及家口于獄

四月初一日各官復勸進未允僞禮政府已定朝儀
及官職名號士大夫尊卑相接相呼體制刊刻成書
先是賊入秦晉孝廉子衿悉行考試授官旬日內都
下諸生求試者比比初三日于順天府出題考試次
日揭榜取中者送吏政府擢用余以星卜爲僞都督
劉物色從史余赴考欲以禮政府從事相處余以耳
曠不能官兼母制未闋不敢且不忍旣又令其記室
王某要余再四余始終固辭劉知余無仕意始不之
強

昭代叢書

辛集補 燕都叢錄 卷第四

八

世楷堂 藏板

初四日各官又勸進不允初六日陳演梁兆陽等又
率百官具表勸進始有允意初十日牛相會同禮政
府出示定于是月十七日登極各官先期習儀三日
新鑄國寶文曰繼天立極天字上一層居中下一層
并列繼立極三字連日李賊與諸賊將不出俱在大
內盤庫將金銀器皿盡行銷燬千兩一錠裝入鞘中
各賊將追完縉紳富室賊銀解進亦如是凡在京大
小官員俱引領闖賊正位宥罪加恩十一日驟聞邊

報緊急吳平西領兵殺入山海關賊衆遑遽不知所
爲百官遂大失望日前僞都督劉以李賊不允登極
東報有警召余筮之得坤之剝余曰坤地道臣道宜
其不急爲君也爰辭龍戰于野其血元黃恰當今日
之事兵事宜不解其彖辭曰西南得朋東北喪朋果
師出東邊宜慎之又謂余曰我主夜夢宮門懸一大
趙字主何祥咸謂有趙姓者起而爭衡是否余曰唯
唯否否趙字從走從小月小月廿九小盡也意者戰
我不勝以是日退走乎余亦知賊之必敗而西而詭
詔代叢書辛集補卷第四 九 藏板

頃刻閒彰義門內民房盡燬連日又敗數陣聞賊怒
甚遂斬三桂父吳襄懸首示三桂三桂大慟揮淚切
齒誓必掃賊矣本街王指揮宅內有兵黃某自言河
南宜陽儒家子失身賊中至是以中途受笞先還爲
余備言官兵甚勁賊還必西走當先爲脫禍計是時
掌道先生以直指使巡南城已移家都察院距余不
甚遠予往語之先生不信城中聞傳平西領兵殺入
城來擁太子卽位人情洶涌如鼎沸廿五日囑蒼頭
記室暫往東城偵之則見車馬驟歇捆載宮中錦帛
昭代叢書辛集補卷第四 十 藏板

紛紛從東華門出黃某來與余言賊首旦夕入城卽
西去余亟爲先生言先生仍不信曰今晨諸同列候
牛相公面詢以西去事相公大詫謂是語從何至上
且歸登寶位諸君勿輕信訛言也至廿六日薄暮則
敗兵皆歸矣寓余宅十六七騎止存其九猶有帶重
創者

廿七日李賊亦入城是夜有數人升都察院屋而呼
先生室中人有投繯而救得甦者廿八日午余往就
先生市民語余賊兵搶刑部衙門內書吏妻女投井

者無數胥井爲之滿院門皆內局不敢啟少頃門啟而入余就語先生先生謂明晨登極百官且入賀及次早闖賊登極後卽救諸將士備行裝余起視宅內諸賊兵已羣然束裝秣馬矣趣余從之走不則亟趨避他所屋且火仰矚屋梁則已將櫟椅層架自下而上接椽以燥葦實之余亟走衙門涕泣道之先生謂余曰勿懼已約熊吏部討兵政府信票出城去當無我格者是夜止先生所至五鼓賊發大隊出齊化門去宮中遣人縱火各賊兵住居火盡發猶留賊兵萬

昭代叢書

辛集補 燕都識餘 卷第四

二

世譜堂 藏板

餘九門內外縱火烈燄冲天余劍佩詩囊從此悉付之灰燼中矣
初熊吏部典試陝西門下士多陷賊中至是挈吏部偕去及城門不得出而回先生以是不敢行又恐吳平西入城討僞難久畱傍晚火稍息偵者言平西逐賊而南城門燬先生聽書辦某言可西避是日熊吏部及直指使龔鼎孳二公俱集先生所各攜眷及本衙門書吏眷屬共百餘人衣服器皿俱棄之祇帶隨身軟細男婦各持拄杖一根以五月朔日平明出都

察院衙門市民遵平西令頭裹白巾爲帝挂孝自貫城坊至得勝門各街巷口市民盡將木石填塞兩長班前導而行或僅畱穴隙纔容一人或用大石橫攔使行者上越初吏部用一蹇駝載行囊至是亦舍去及出平則門外日已向西矣城中扶老挈幼西奔者絡繹不絕三先生皆短袂敝褲雜逐傭伍中余亦從執爨人乞一敝衣服之而走諸內人亦各幅絹蒙首寬舄短衣狼狽疾趨獨龔直指夫人美而豔卽舊院顧眉生也恒俯拾塵土自汚于是有掖而行者有倦

昭代叢書

辛集補 燕都識餘 卷第四

三

藏板

而憩地者有顛蹶不能行使人負而趨者半日危途艱辛萬狀行二十里許望見一梵刹囊宇嵯峨額曰摩訶菴諸女眷莫能前因止而求息焉主僧辭不便于菴旁得一空舍從僧假鍋市米支土坯作竈炊粥療饑夜則席地爲榻屋無門壁余仰臥望簷上星辰炯炯不成寐

次日傳土寇猖獗前導狼于豺虎停止不敢進向晚聞大兵已入京四出追捕逸賊諸先生慌甚黎明與諸內人避上危樓尋又徙園林僻莽處凡數晝夜不

得晷刻甯至初四日諸從者以久居近地不便謀取道西往會虛車數乘向西發寺僧謂三先生可命載諸內人覓輿不得則各以柳筐坐其中使兩人舁之余亦鼻息車上計出寺門時已向暝矣并以路徑崎嶇車龜艱如舟歷狂濤閒亟下上比更時約行十五里許星斗在天岡隴闌寂甫顧僕趣行則綠林一嘯阻道不得進余俛首睨視見四騎掩至匿影旁逸腰閒尙爲先生強纏五十金一錠已囊約有三十金斜走里許尤慮賊踵而至因以白錠穴土中身倚林莽

昭代叢書

辛集補
燕都職餘
卷第四

士

世皆堂
藏板

坐仰視星漢夜色已分亟趨孔道見三先生與諸內人僕從等咸席地號歎亡金且遭楚余竊訝獨有天幸呼一人偕往取所藏則惘然亡應者因獨往迷故道達旦始至己囊三十金已爲刈麥人掇去僅存大錠穴中兀然佯爲被盜傷足者跛蹙攜歸奉還先生先生喜過望余之腰纏化爲烏有是日午節諸先生向午未飯余亦心煩意亂吸井泉而已

平則門外迤西一帶游騎雜沓而土豪混列其中先生及諸內人俱坐後園大杏樹下井邊奴子借金炊

飯至碗盛不給以手搏食余與諸人飢則逐村店市飯亦鮮有飽者午後不知誰何導一騎人諸先生惶駭無措騎強牽一婢子令去婢子投井中騎尙盤桓審視先生跪而進之金始去先生至是始向余泣以幼子屬余余慰先生此時殞命無爲也且往伺城中動靜復來爲若計遂入城至劉完白所則攝政王已大張榜示與諸朝紳蕩滌前穢亟反報先生會朱刑科亦遣人持札要先生還次日遂偕熊龔二公俱挈眷入城先生與吏部并舍南昌內館龔則他往矣

昭代叢書

辛集補
燕都職餘
卷第四

士

世皆堂
藏板

初八日攝政王下薙髮之令三日內官民髮盡薙是時余惡以饗殮累廩人從劉完白于樂平會館旅食有先生蒼頭某拉余南去余畏天暑匍匐謝不往渠遂扮乞丐子身去時仲夏早夜苦寒余身衣短袷衣囊盡亡去前未變時曾以衣衾數事寄族弟應曜兼委數十金爲製葛服至是以被掠爲辭絲纓不復還矣

闖賊被吳平西追至定州殺死無算帶敗殘人馬望西奔走平西還京朝紳俱勸攝政王正位王辭

曰國家自有家法非卿等所知自是無敢復言者設
施新政無非解網弛禁期與民更始故朝野一時懽
然服從如大旱之得時雨也數日後吾鄉李太僕李
春坊朱刑科熊吏部羅庶常暨掌道先生並予官如
故但以中城處滿兵諸縉紳率家徙順城門外余驚
魂亦稍定是月終旬長安市上仍復冠蓋如雲矣
賢明側席車乘翹翹搜求遺逸振拔沈淪隨允提學
御史曹溶之請羈旅寒微皆得邀恩食祿熊吏部及
先生推轂及余余謝不敏徙倚都下凡兩閱月同鄉
昭代叢書 辛集補 燕都識餘跋 卷第四 藏板
劉玉爲銜新命牧武定七月旣望遂從之而東先生
餞余邸中驪歌一曲黯然魂消自是遂不復望長安
馬足矣甲申仲秋朔南州龔道人述于無棣公廨

燕都識餘跋

甲申之變玉石俱焚時龔道人爲涂掌道記室目擊
其事援筆記之自崇禎十六年仲冬起至順治元年
孟秋止是亦明季遺文之類也惜乎所稱掌道先生
者依違觀望方冀闖賊登位以圖保全卒之逃佚平
側門外狼狽不堪龔道人此記其亦有所隱諷與甲
辰三月吳江沈楸漁識

昭代叢書

辛集補 燕都識餘跋 卷第四

去

世皆堂 藏板